



15
9585

Bosnia and Herzegovina
Federation of Bosnia and Herzegovina
CANTON SARAJEVO
Ministry of Veteran's Affairs

Broj: 06-04-644-10/26
Sarajevo, 15.06.2026.godine

SKUPŠTINA KANTONA SARAJEVO
-OVDJE-

Predmet: Dopuna Izjašnjenja na zastupničko pitanje zastupnice Sebije Izetbegović, dostavlja se

Ministarstvo za boračka pitanja Kantona Sarajevo je po zastupničkom pitanju zastupnice Sebije Izetbegović broj: 01-04-644-10/26 od 17.03.2026. godine, a u vezi sa korištenjem prostora u ulici Širokac u okviru kompleksa Memorijalnog centra Sarajevo-Šehidskog mezarja Kovači, te eventualnom uzurpacijom dijela ovog prostora kroz formiranje parking mjesta, dostavilo Izjašnjenje broj: 06-04-644-10/26 od 14.04.2026. godine sa prilogima: Akt Ministarstva broj: 06-04-9173-2/26 od 30.03.2026. godine, Akt Ministarstva broj: 06-04-644-10/26 od 30.03.2026. godine i Informaciju JU „Memorijalni centar Sarajevo“ broj:13-01/27-193/26 od 07.04.2026. godine.

Vezano za tač. 3. i 4. postavljenog pitanja, Ministarstvo za boračka pitanja Kantona Sarajevo je 02.06.2026. godine od Službe za Urbanizam, prostorno planiranje i izaštitu okoliša Općine Stari Grad zaprimilo Odgovor broj: 05-19-2831/26 od 15.05.2026. godine, koji dostavljamo u prilogu ovog akta.

S poštovanjem,

Dostaviti:

- Predsjedavajućem Skupštine Kantona Sarajevo,
- Zamjenici predsjedavajućeg Skupštine Kantona Sarajevo x3,
- Službi za Skupštinske poslove Kantona Sarajevo,
- Stručnoj službi Vlade Kantona Sarajevo,
- A/a.





10350
14842

Općina Stari Grad Sarajevo

Municipality of Stari Grad Sarajevo

**Služba za urbanizam,
prostorno planiranje i zaštitu okoliša**

Broj: 05-19-2831/26

Datum: 15.05.2026. godine

- 2 - 06 - 2026
06 04 9173-2-8

MINISTARSTVO ZA BORAČKA PITANJA
ulica Reisa Džemaludina Čauševića broj 1
SARAJEVO

PREDMET: Odgovor- Veza Vaš akt broj: 06-04-9173-2/26 od 30.03.2026. godine

Poštovani,

Aktom broj: 06-04-9173-2/26 od 30.03.2026. godine dostavili ste Urgenciju za obustavljanje radova i implementaciju Regulacionog plana Šehidsko mezarje Kovači i zastupničko pitanje. U Urgenciji za obustavljanje radova i implementaciju Regulacionog plana Šehidsko mezarje Kovači je navedeno, između ostalog, sljedeće: da je Memorijalnom centru Sarajevo povjereno upravljanje kompleksom Šehidskog spomen mezarja Kovači, da je u proteklim mjesecima u ulici Širokac izvršeno obilježavanje parking mjesta, postavljanje saobraćajne signalizacije, te razmještanje kontejnera za odlaganje komunalnog otpada duž saobraćajnice, da su te aktivnosti dovele do promjene ranijeg režima saobraćaja, da podržavaju intencije da se saobraćaj u tom dijelu dodatno reguliše. Nadalje, navedeno je da je Regulacionim planom Šehidskog spomen mezarja Kovači („Službene novine Kantona Sarajevo“, broj 17/99 i 24/05) definisan način korištenja prostora, uključujući i saobraćajne površine u neposrednom okruženju mezarja, traženo da se isti u potpunosti promijeni, te da je Skupština Kantona Sarajevo utvrdila poseban značaj ovog prostora svojom Odlukom o proglašenju Šehidskog spomen mezarja Kovači prostorom od javnog interesa za Kanton Sarajevo („Službene novine Kantona Sarajevo“, broj 21/10).

Također, Ministarstvo je zaprimilo zastupničko pitanje zastupnice Skupštine Kantona Sarajevo u vezi sa korištenjem prostora u ulici Širokac u okviru kompleksa Memorijalnog centra Sarajevo- Šehidskog mezarja Kovači, te eventualnom uzurpacijom dijelova prostora kroz formiranje parking mjesta i u kojoj traži odgovor na pitanja koja glase:

„Da li je izvršena procjena da li ovakvo korištenje prostora i formiranje parking mjesta narušava dostojanstvo memorijalnog kompleksa šehidskog mezarja Kovači, kao nesmetan pristup porodicama šehida i posjetiocima?

Da li je tačna informacija da Općina Stari Grad Sarajevo planira preuzeti upravljanje parking prostorom u ovom dijelu ulice Širokac i uvesti naplatu parkinga, uključujući i prostor koji je do sada koristio Memorijalni centar Sarajevo?“

U zaključku navedenog akta je konstatovano da je potrebno dostaviti informaciju i odgovore na navedena pitanja kantonalne zastupnice.

Cijeneći navedeno, dostavljamo informaciju kako slijedi:

Regulacionim planom Šehidsko spomen mezarje Kovači koji je usvojen 1999. godine i izmijenjen 2005. godine („Službene novine Kantona Sarajevo“, broj 17/99 i 24/05) je definisan način korištenja prostora, uključujući i saobraćajne površine koje su u neposrednom okruženju mezarja.

Prema članu 8. Odluke o provođenju definisano je da „ulica Širokac, prema Planu mijenja režim i pretvara se iz kolske u pješačku saobraćajnicu memorijalnog karaktera. Postojeću ulicu Jekovac treba



rekonstruisati i dijelom projektovati i izgraditi novu trasu u skladu s Planom kako bi preuzela saobraćaj iz saobraćajno ukinute ulice Širokac“.

Na pitanje koje se odnosi na korištenje prostora, ovim putem konstatujemo da je urađen Saobraćajni elaborat izmjene režima saobraćaja u ulicama Jekovac, Širokac, Halilbašića, Nadmlini i projektovanje saobraćajne signalizacije i oprema u dijelu ulica Vratnik Mejdan, Nevjestina, Bijela džamija i Pod bedemom, od strane ovlaštenog projektanta, februar 2025. godine. Isti je dostavljen Ministarstvu saobraćaja Kantona Sarajevo, te su date smjernice za korekcije. Na osnovu datih uputa, elaborat je korigovan i potom je dobiveno Rješenje broj: 04-23-2576-2/25 MŽ od 22.04.2025. godine kojim je data saglasnost za izmjenu odvijanja režima saobraćaja shodno dostavljenoj dokumentaciji.

Imajući u vidu navedeno, Općina Stari Grad je otvorena za saradnju i iniciranje zajedničkog projekta sa Memorijalnim centrom Sarajevo, na način da se lokalitet načelno privede krajnjoj namjeni shodno Regulacionom planu, te predlaže da Fond memorijala uradi projektno-tehničku dokumentaciju, dok će Općina finansirati radove. Također, dat je rok od 20 dana Fondu memorijala za odgovor vezano za prijedlog o zajedničkoj saradnji.

S poštovanjem,

Šef Odsjeka za urbanizam, prostorno planiranje i zaštitu okoliša: Amina Turković Marukić 

**PO OVLAŠTENJU OPĆINSKOG NAČELNIKA
POMOĆNICA NAČELNIKA**



Dostaviti:

1. Naslovu,
2. Služba za inspekcijske poslove- ovdje,
3. JKP Općina Stari Grad,
4. Služba za investicije i komunalne poslove-ovdje,
5. Evidenciji,
6. Arhiva.